

**STATUTI
I SHOQËRISË TREGTARE
“ Decibel Audio Solutions “**

Shoqëria " Decibel Audio Solutions " themelohet sot në datën 07/06/2021 në përputhje me Aktin e saj të Themelimit dhe përbëhet nga ortaku i mëposhtëm:

Melidjona Rushiti , me atësi Melqez dhe amesi Adelina , dtl. 26/06/1987 lindur ne Gjirokaster dhe banues,në Tiranë. Rruga " Prokop Mima "madhor, me zotësi të plotë juridike dhe për të vepruar

I.DISPOZITA TE PERGJITHSHME

Shoqëria Tregtare " Decibel Audio Solutions ", (shoqëri me përgjegjësi të kufizuar) rregullon pozitën e saj juridike, marrëdhëniet ndërmjet ortakëve, funksionimin dhe kompetencat e organeve të saj,llojin e shoqerise , kohëzgjatjen e veprimtarisë se saj, marrëdhëniet me të punësuarit, duke u bazuar në ligjini Nr. 9901, datë 14.04.2008 "Për Tregtarët dhe Shoqëritë Tregtare", dhe dispozitat e tjera të legjislacionit shqiptar në fuqi që rregullojnë marredhëniet e Shoqërive Tregtare.

**NENI 1
Objekti i veprimtarise**

1.1 Shoqëria ka si objekt veprimtaritë që vijojnë më poshtë:

Shitje blerje me shumice dhe pakice te pajisjeve audio,ndricim,ledwall,video
Dhenie me qera e perdorimit te pajisjeve audiovizuale,skene,sisteme konference, sisteme perkthimi,ledwall dhe video. Kontraktim pajisjesh ,organizim aktiviteti.
Import eksport te pajisjeve te mesiperme

1.2 Shoqëria ka të drejtë të ushtrojë çfarëdolloj veprimtarie tjetër të lejuar nga ligji dhe në përputhje me rregullat në fuqi.



NENI 2
Emri dhe selia e Shoqërisë

Shoqëria është Person Juridik Privat.

Shoqeria do te paraqitet ne qarkullimin tregtar me emertimin e saj " Decibel Audio Solutions "(shoqeri me perqjejesi te kufizuar).

Selia e Shoqërisë ndodhet në adresën Rruga "Rruga "Prokop Mima , Nd 17, H1/19" Tiranë.

Shoqëria tregtare " Decibel Audio Solutions" mund të hapë degë të saj ose zyra përfaqësimi brenda ose jashtë vendit.

NENI 3
Kohezgjatja e Shoqerise

3.1 Shoqëria do të ketë një kohezgjatje të pakufizuar.

NENI 4
Regjimi Juridik i Shoqërisë

4.1 Shoqeria udhehiqet nga parimet e ekonomise se tregut dhe ka per qellim fitimin. Ajo respekton parimin e reciprocitetit.

Ajo është një shoqëri me përgjegjësi të kufizuar (Sh.p.k.). Veprimitaria e saj i nënshtrohet dispozitave të Aktit së Themelimit, Statutit, si dhe dispozitave të legjislacionit tregtar e atij civil në fuqi. Me vendim të Asamblesë së Ortakeve (Ortaku i Vetëm), Shoqëria mundet qe të ndryshojë regjimin juridik të saj në përputhje me dispozitat ligjore që do të janë në fuqi, si dhe në përputhje të plotë me dispozitat e Aktit të Themelimit dhe të Statutit të saj, duke bërë edhe përshtatjen e tyre sipas ndryshimeve përkatëse.

4.2 Shoqëria gjëzon personalitet juridik nga data e regjistrimit të saj në Registrin Tregtar. Shoqëria do të ketë vulën e saj.

II.TE DREJTAT DHE DETYRAT E ORTAKUT

NENI 5

5.1 Pasuritë e krijuara nga Shoqëria gjatë aktivitetit të saj janë në pronësi të Shoqërisë. Ato (pasurite) mund të tjetërsohen, të jepen me qira, me miratimin e Asamblesë së Përgjithshme (Ortakut te vetem)

NENI 6
Të drejtat dhe detyrimet e Ortakut të Vetëm

6.1 Ortaku i Vetëm jep kontributin e tij në shoqëri në para apo në natyrë, sipas mënyrave dhe afateve te përcaktuara në statut, në të cilën është caktuar në mënyrë të detajuar kontributi



dhe mënyra e afatet e derdhjes se ketij kontributi në këte shoqëri. Ortaku i Vetem përgjigjet ndaj shoqërisë personalisht dhe ne mënyrë solidare për dëmet e shkaktuara nga mospërmbushja e këtyre detyrimeve apo nga përbushja e tyre përtëj afateve përkatëse. Ortaku i Vetem mban përgjegjësi për humbjet e shoqërisë deri në pjesën e pashlyer të kontributeve të nënshkruara. 6.2 Personat perjegjes per administrimin e shoqerise informojne Ortakun e Vetem per ecurine e veprimtarise se shoqerise tregtare dhe, me kerkesen e tij, duhet t'i vihen ne dispozicion llogarite vjetore, perfshire llogarite e konsoliduara, raportet per gjendjen dhe ecurine e veprimtarise se shoqerise tregtare, raportet e organeve drejtuese apo te eksperteve kontabel te autorizuar, si dhe cdo dokument tjeter te brendshem te shoqerise.

6.3 Personat perjegjes per administrimin e shoqerise informojne Ortakun e Vetem per periudha nje mujore dhe tremujore per ecurine e shoqerise, realizimin e objektivave mujore dhe tremujore, llogarite, raportet per gjendjen dhe ecurine e veprimtarise se shoqerise tregetare me partneret nenkontraktore, raportet e organeve drejtuese apo te eksperteve kontabel te autorizuar, si dhe çdo dokument tjeter te brendshem te shoqerise.

Gjatë ushtrimit të të drejtave, Ortaku i Vetëm vepron duke marrë parasysh interesat e shoqërisë. Ortaku i Vetëm respekton detyrimet që burojne nga Akti i Themelimit dhe Statuti. Ai përpinqet përvillimin e aktivitetit të Shoqërisë sipas objektit të veprimtarisë se saj.

KUSHTET EKONOMIKE TË SHOQËRISË

NENI 7

7.1 Veprimtaria e funksionimit te Shoqerise bazohet ne kerkesat e ekonomise se tregut. Veprimtaria ekonomike ndertohet mbi parimet e llogarise dhe pasqyrohet ne bilancet e saj

A handwritten signature in black ink, appearing to be in Albanian, is placed here. It consists of a stylized, fluid line forming a large oval-like shape on the left, with several smaller, more vertical strokes extending from it towards the right.

NENI 8

8.1 Kapitali i regjistruar i shoqerise eshte perbere nga kontributi ne para i Ortakut te Vetem ne vleren 10.000 (dhjete mijë) leke.

Ortaku i Vetem i Shoqerise, zoteron nje kuote me vlore 10.000 leke (dhjete mijë leke), e cila perben 100 % te kapitalit te regjistruar te shoqerise.

Kontributet që përbëjne 100% të kapitalit të regjistruar te shoqërisë janë shlyer tërësisht nga Ortaku i Vetëm.

Ortaku i Vetëm, në bazë të kërkesës së organit administrues, mund të sjellë para në shoqeri. Kjo derdhje parash mund te bëhet në formën e zmadhimit të kapitalit ashtu si dhe në formën e financimit të shoqërisë. Në rastin e financimit te shoqërisë nga Ortaku i Vetëm në formë huaje, nuk është e nevojshme të respektohet përpjesëtueshmëria mes shumës së derdhur në shoqëri dhe kuotave të kapitalit që Ortaku i Vetëm zoteron.

NENI 9 Pasuria e Shoqërisë

9.1 Shoqeria behet pronare e pasurise se luajtshme e te paluajtshme kur vlera e pasurise mbulohet teresisht ne te holla.

NENI 10 Transferimi i kuotave

10.1 Ortaku i Vetëm i Shoqerise ka të drejtën të transferojnë lirisht kuotën që zoterojnë në kapitalin e regjistruar të shoqërisë, kundrejt pagesës së një shume;

10.2 Ortaku i Vetëm i Shoqërisë ka të drejtë të heqë dorë nga Shoqëria dhe mund të shesë kuotën nëpërmjet nënshkrimit të kontratës së shitjes së kuotës, pa qenë nevoja e marrjes së një vendimi paraprak nga Ortaku i Vetëm i Shoqërisë në përputhje me kushtet që i lejon Statuti dhe Ligji. Heqja dorë nga shoqëria nuk e liron ate nga detyrimet që ka deri në momentin e heqjes dorë dhe nuk e cenon atë në marrjen e të ardhurave që Shoqëria ka siguruar deri në këtë moment.

10.3 Kuotat e kapitalit mund të transferohen në mënyrë të lirë përmes dhurimit apo cdo akti tjetër, falas.

NENI 11 Zmadhimi dhe zvogëlimi i kapitalit

11.1 Kapitali i regjistruar i shoqerisë mund te zmadhohet ose të zvogëlohet nga Asambleja e Përgjithshme (Ortaku i Vetëm).



11.2 Zmadhimi i kapitalit mund të vendoset kur e kërkojnë interesat e Shoqërisë duke u vendosur rritja e vlerës së kuotes së Ortakut të Vetëm.

Asambleja e Përgjithshme (Ortaku i Vetem) vendos për zvogelimin e kapitalit të Shoqërisë.

11.3 Zvogelimi i kapitalit nuk duhet të dëmtojë kreditorët dhe as të krijojë pasiguri tek ata që kanë dhënë kredi para publikimit të zvogëlimit te kapitalit. Në te kundert, Gjykata e konsideron të pavlefshëm këtë vendim mbi kërkesën e kreditorëve.

NENI 12
Fondet rezerve

12.1 Shoqëria krijon fond!in rezervë dhe fonde të tjera financimi për të përballuar nevojat e saj.

NENI 13
Bilanci

13.1 Pasuria e Shoqerise vleresohet ne bilancet e saj ne monedhe te vendit ose ne monedhe te huaj sipas vleresimit te Ortakut te Vetem ose eksperteve ne momentin e Themelimit te Shoqerise.

Bilanci vjetor paraqitet brenda datas 31 Mars,te vitit pasardhes. Forma e bilancit percaktohet nga Administratori ne harmoni me format e bilanceve te vendosura ne Republiken e Shqiperise.

NENI 14
Plani Financiar

14.1 Plani finansiar parashikon aktivin e pasivin e aktivitetit ekonomik te Shoqerise , te shprehur ne leke ose valute te konvertueshme. Llogaria ekonomike do te mbahet në Shqiperi.

Shkembimi i monedhës shqiptare me atë te huaj dhe anasjelltas behet sipas kursit zyrtar ose privat te kembimit.

NENI 15
Shperndarja e fitimit, kufizimi i shperndarjes

E ardhura neto qe rezulton pasi zbriten shpenzimet e bera per kryerjen e cdo lloj aktiviteti nga zbritja e vleres se amortizimit, nga tatimet dhe taksat, nga kuotat qe rritin kredine per investime, pagat dhe shperblimet, përdoret nga Ortaku i Vetem, sipas qellimeve te tij.

Ortaku i Vetem ka te drejte te marre pjesen e fitimit tip deklaruar ne pasqyrat financiare te shoqerise..

Shoqëria mund te shpërndajë fitime, vetëm nëse pas pagimit të dividendifit:



- a)aktivet e shoqerise mbulojnë teresisht detyrimet e saj;
- b) shoqeria ka aktive likuide te mjaftueshme per te shlyer detyrimet qe behen te kerkueshme brenda 12 muajve ne vazhdim

ORGANET E SHOQERISE

NENI 16

Asambleja e Përgjithshme
(Ortaku i Vetem)

16.1 Organi themelor i shoqërisë është Asambleja e Përgjithshme. Asambleja e Përgjithshme merr vendime për:

përcaktimin e politikave tregtare të shoqërisë;

ndryshimet e statutit;

emërimin e shkarkimin e administratorëve;

emërimin e shkarkimin e likuiduesve dhe të ekspertëve kontabël të autorizuar; përcaktimin e shpërblimeve për administratorët, likujduesit dhe ekspertët kontabël të Autorizuar;

Mbikqyrje e zbatimit të politikave tregtare nga administratorët, perfshirë përgatitjen e Pasqyrave financiare mujore,tremujore e vjetore dhe të raporteve të ecurisë së veprimtarisë: përcakton tagret e përfaqësimit të administratorëve në kushtet e nënshkrimit të kontratave të bashkëpunimit me shoqëri apo individë, kontratave të sipërmarrjes apo të shitjes, si dhe miraton kontratat tip që do të nënshkuhen.

Miratimin e pasqyrave financiare vjetore dhe të raporteve të ecurisë së veprimtarise;. zmadhimin dhe zvogëlimin e kapitalit:

pjesëtimin e kuotave dhe anulimin e tyre;

përfaqësimin e shoqërisë në gjykatë dhe ne procedimet e tjera ndaj administratorëve;

riorganizimin dhe prishjen e shoqërisë;

miratimin e rregullave procedurale të mbledhjeve të asamblesë;

çështje të tjera të parashikuara nga ligji,

NENI 17

Mbledhja e Asamblesë së Përgjithshme

Asambleja e Përgjithshme mblidhet sa here qe mbledhja eshte e nevojshme per te mbrojtur interesat e shoqerise. Mbledhja e Asamblese se Përgjithshme mblidhet te pakten nje here ne vit. Asambleja e Përgjithshme thirret nga administratoret apo Ortaku i Vetem

Vendimet e marra nga Ortaku i Vetem ,së bashku me procesverbalin e mbledhjes dhe aktet e tjera qe i bashkëlidhen sipas ketij proceverbalit, regjistrohen ne librin e shoqërisë



NENI 18
Procesverbali i mbledhjes së Asamblesë

- 18.1 Të gjitha vendimet e Asamblësë së Përgjithshmë duhet te rregistrohen ne procesverbal. Administratorët përgjigjen për ruajtjen e kopjeve të procesverbaleve të mbledhjeve të Asamblesë së Përgjithshme.
- 18.2 Procesverbali duhet të përbaje daten dhe vedin e mbledhjes, rendin e ditës, emrin e kryetarit e te mbajtësit të procesverbalit, rezultatet e votimit.
- 18.3 Procesverbalit i bashkëlidhet edhe lista e pjesëmarrësve, si edhe akti i thirrjes së Asamblesë së Përgjithshme.
- 18.4 Procesverbali i mbledhjes nënshkruhet nga kryetari dhe nga mbajtësi i procesverbalit.

ADMINISTRIMI I SHOQERISE

NENI 19

- 19.1 Asambleja e Përgjithshme emeron një ose më shumë persona fizikë ,si administratore te shoqërisë. Afati i emërimit, nuk mund të jetë më i gjatë se 5 vjet, me të drejtë ripërtëritjeje. Emërimi i administratorëve prodhon efekte pas regjistrimit në Qendrën Kombëtare të Biznesit. Statuti mund të vendosë rregulla të posaçme për emërimin e administratorëve. Administratorët e një shoqërie tregtare mëmë, nuk mund të emërohen si administratorë të një shoqërie,të kontrolluar e anasjelltas.
- 19.2 Mund të emërohen si administratorë të shoqërise edhe personat fizikë që nuk janë Ortakë.
- 19.3 Emërimi i Administratorëve bëhet me unanimitet nga Asambleja e Përgjithshme (Ortaku i Vetëm).

NENI 20
Të drejtat dhe detyrimet e administratorëve

Administratorët kanë të drejtë e detyrohen të:

- kryejnë të gjithe veprimet e administrimit të veprimtarisë tregtare të shoqërisë, duke zbatuar politikat tregtare, të vendosura nga Asambleja e Përgjithshme (Ortaku i Vetëm);
- përfaqësojnë shoqërinë tregtare;



- kujdesen per mbajtjen e saktë e të rrëgullt të dokumenteve dhe te librave kontabël të shoqërisë;
 - përgatisin dhe nënshkruajnë bilancin vjetor, bilancin e konsoliduar dhe raportin e ecurisë së vëprimtarise dhe së bashku më propozimin per shperndarjen e fitimeve,i paraqesin këto dokumente përpara Asamblesë së Përgjithshme (Ortaku i Vetëm) për miratim;
 - krijojnë një sistem paralajmërimi në kohën e duhur për rr Ethanat, që kërcënojnë mbarëvajtjen e vëprimtarisë dhe ekzistencën e shoqërisë;
 - kryejnë regjistrimet dhe dërgojnë të dhënrat e detyrueshme të shoqërisë, sic parashikohet në ligjin 'Tër regjistrimin e biznesit";
 - raportojnë përpara Asamblesë së Përgjithshme (Ortaku i Vetëm) në lidhje me zbatimin e politikave tregtare dhe me realizimin e vëprimeve te posacme me rëndësi ,të vecantë për vëprimtarinë e shoqërisë tregtare;
 - të thërrasin Asamblenë e Përgjithshme (,Ortaku i Vetëm) kur shoqëria brenda 2 viteve të para te regjistrimit të saj, propozon të blejë nga një ortak pasuri, që kane vlerë më të larte se 5 për qind të aseteve te shoqërisë, që rezulton në pasqyrat e fundit financiare të certifikuara dhe kur sipas bilancit vjetor apo raporteve të ndërmjetme financiare, rezulton ose ekziston rreziku që aktivet e shoqërisë nuk i mbulojnë detyrimet e kërkueshme brenda 3 muajve në vazhdim.
 - të bëjnë pagesa pa miratimin e Asamblesë se Përgjithshme (Ortaku i Vetëm) për likuidimin e pagave, sigurimeve shoqërore, detyrimet tatimore, shpenzimeve të drejtpërdrejta të aktivitetit të shoqërisë, lidhur me aktivitete të parashikuara nga buxheti i miratuar dhe cdo pagese tjete qe lind e nevojshme per vëprimtarine e shoqerise
 - te depozitoje e terheqe fonde nga llogarite bankare sipas nevojave te shoqerise
 - të bëjnë pagesat qe i detyrohet subjektit ndërtues dhe nënkontraktorëve, konform situacionit të punimeve të paraqitur e të miratuar nga eksperti kontabël.
 - të nënshkruajnë kontratat e sipërmarrjes, të bashkëpunimit apo paraprakë të shitjes per objektet që janë në ndërtim e sipër, sipas çmimeve paraprake të miratuara nga Ortaku i Vetëm për çdo komponent të ndërtimit të ri.
- 20.2 Perveç detyrate të treguara më lart për çdo veprim tjetër administratori/ët duhet të marrë më parë miratimin e Asamblesë së Përgjithshme (Ortaku i Vetem).

Nese Asambleja e Pergjithshme (ortaku i Vetem) emeron me shume se një administrator, ata e administrojnë bashkerisht shoqerine. Statuti ose rregulloret e tjera, te miratuara nga Asambleja e Pergjithshme (Ortaku i Vetem), mund te parashikojnë ndryshe.

Asambleja e Përgjithshme,(Ortaku i Vetëm) mund të shkarkojë administratorin në çdo kohë. Statuti apo marrëveshje të tjera nuk mund të përashtojnë apo kufizojnë këtë të drejtë. Paditë, që lidhen me shpërblimin e administratorit, në bazë të marrëdhënieve kontraktore me shoqerinë, rregullohen sipas dispozitave ligjore në fuqi.

NENI 21

Shpërblimi i administratorëve

Shpërblimet e administratorëve përcaktohen me vendim të Asamblesë së Pergjithshme (Ortaku i Vetëm).



Shperblimi duhet të jetë i përshtatshëm dhe në përputhje me detyrat e administratorëve dhe gjendjen financiare te shoqërisë.

Nëse shoqëria është në veshtirësi financiare, Asambleja e Pergjithshme (Ortaku i Vetëm) mund të vendosë reduktimin e shpërblimit të administratorëve në masën e përshtatshme. Kriteret e shpërblimit, shpërblimi individual dhe efekti vjetor i shpërblimit të administratorëve në strukturën e kostove të shoqërisë tregtare publikohen së bashku me pasqyrat financiare vjetore. Administrator i Shoqërisë "Decibel Audio Solutions":do të jetë Znj Melidjona Rushiti.

NENI 22 **Ekspertët Kontabël**

22.1 Shoqeria cakton ekspert kontabel per cdo vit finanziar kur jemi perpara rasteve te percaktuara ne ligj. Emerimin e tyre e ben Mbledhja e Asamblese se Pergjithshme (Ortaku i Vetem).

Ekspertët kontabël mbajnë përgjegjesi për mbajtjen e rregullit të të gjithë dokumentacionit të Shoqërisë. Ata përgjigen për dëmet që i vijnë Shoqërisë nga mbajtja e parregullt e llogarive ose verifikimi i tyre i gabuar.

Nuk mund të ngarkohen me detyrën e ekspertit, themeluesi, administratori, personat që janë gjini e krushqi me ata deri në shkallën e katërt.

NENI 23 **Marredheniet e punes**

23.1 Marredheniet e punes ne Shoqeri irregullohen sipas dispozitave te Aktit te Themelimit, Statutit dhe Legjislacionit Shqiptar te Punes.

Punesimi ne Shoqeri realizohet me ane te kontrates individuale të punes midis Shoqerise e te punesarve. Marredheniet midis Shoqerise e sindikates rregullohen nepermjet kontrates kolektive te punes.

NENI 24

24.1 .Te punesarit dhe punonjesit drejtues administrativ jane pergjegjes per demet qe i shkaktojne Shoqerise pér faj té tyre dhe pergjigjen para saj civilisht.



PRISHJA E SHOQËRISË. LIKUDIMI

NENI 25

25.1 Kjo Shoqëri do të prishet në rast se:

me vendimin të Asamblesë së Përgjithshme (Ortaku i Vetëm);

me hapjen e procedurave të falimentimit;

nëse nuk ka kryer veprimtari tregtare për dy vjetdhe ~~më shkurt~~ përezullimi i veprimtarisë në përputhje me pikën 3 të nenit 43 të ligjit nr.9723, datë 3.5.2007 "Për regjistrimin e biznesit i ndryshuar;

me vendim të gjykatës;

për arsyet e tjera, të parashikuara në statut;

Prishja e shoqërisë regjistrohet në Regjistr i Tregtar pranë Qendrës Kombëtare të Biznesit nga administratorët.

NENI 26

Likuidimi i shoqërisë

26.1 Prishja e shoqerive tregetare ka si pasoje hapjen e procedurave te likuidimit ne gjendjen e aftesise paguese, me perjashtim te rasteve kur eshte nisur një procedur falimentimi. Likuidimi kryhet nga likuiduesit e emeruar nga Asambleja e Përgjithshme.

Nëse Asambleja e Përgjithshme (Ortaku i vetem) likuiduesve, brenda 30 ditëve pas prishjes, për të caktuar një likuidues.

DISPOZITA TË FUNDIT

NENI 27

27.1 Ky Statut hyn në fuqi pas miratimit dhe regjistrimit të Shoqërisë në regjistrin tregtar pranë Qendrës Kombëtare të Biznesit.



NENI 28

28.1 Gjithcka nuk eshte parashikuar shprehimisht në këtë Statut do te disiplinohet sipas legjislacioni tregtar dhe ligjeve te tjera te lidhura me te , ne fuqi ne Republiken e Shqipërisë.

NENI 29

29.1 Ky Statut perpilohet në 3 (tre) kopje në gjuhën shqipe, dhe u nënshkrua pa verejtje nga ortaku themelues.

ORTAKU THEMELUES

—
Hektor Pasha